

摛經堂類藁

權經坐類纂序

道光辛丑以來海內告戎事久矣其端實啓於泰西諸夷率彼島人稱兵脅市併張恫喝蹂躪蹈瑕而一二任事之臣售其狡謀割地與講饒吻既潤要求弥洪道我虧盈哀為誘煽金田稂莠乘機蔓興毒焰滔波徧及行省幸而克然而天下騷然海疆之務益為且媮窳而不可收拾嗚呼伊誰之咎哉當其時款議既定民心未厭

宣廟赫震天威懲失律辱事之罪誅斥迅行若雷轟厲而所謂任事之臣憑藉既厚巧相援雪朝野出人敢怒而不敢言者不知凡幾矣侍御陳公獨以刑賞失措裂眦張睛

新白簡而廷爭之

帝眷懷讜言立收成命恭讀

諭旨未嘗不激昂奮於

先朝納諫之明而悼惜嘆恨夫任事之臣之不足副

委任也夫島夸初來非敢遽肆猖獗也遠涉大海而邦

中國為鷄衢盈未甚悉誘煽未甚衆而港汊之歛阻軍火

糧食之接濟均足目制其死命而致其繩束是故文忠林

公屢斥之角有戰必勝吳沙龍穴之捷夷船膽散魄悸不

敢南近於粵海迨林公謫戍而任事之臣盡反所為飽縱

其欲惟懼夸心之不遂浸淫潰敗以洎於今而不可問蓋

公早料其苟且媮竊之必至斯而曰疾首痛心於首禍之人必欲蔽其辜呂謝天下萬世而後快也豈真激於意氣鉤名弋譽博抗直之聲而不恤國家之大計者哉公官京朝二十餘年碩學懋行魁然為儒林之宗海內士企下風而覬丰采者非一日矣復挾其文章妙天下忠誠毋日月之概以行之宜乎慕其人者思其文至於鄉陬徼裔亦渺然有泰山黃河高大之思而述製之傳莫不以先見為幸焉嗚呼偉矣公之詩文初編於何願船比部龔詠樵太史取以印行皆丙午呂葬之作非其備也歲壬午公嗣六舟兄弟以全藁畀染仁屬加彙纂爰仿原第釐為二十

四卷增於舊本幾及倍徙公之製作稱完具焉所惜哲人  
之萎未躋大耄勦瘁鄉國勤事且死既不及見粵匪之平  
而海疆之務苟且媮窳而不可收拾者又不獲公裂眚張  
翬發憤而一道之也噫光緒癸未日曜析木之次門人同  
里陳榮仁謹序

舊序

門人何秋濤曰右吾師頌南先生所著稽經堂集凡為詩賦雜文百三十有七先生立德崇誼稽謬達悒久以學顯於當世自癸卯以讜言受

主知批抵要人天下想望風采無賢不肖獲一見者自以為幸其未見者罔不思覩其著作而常恨無從購求秋濤自乙巳始見先生於都門得踵門問業詢知先生所作不自存錄恆為人持去篋中所存僅數十篇自乙巳冬至丙午六月所作又數十篇秋濤乃請合而綴之分別部居不相襍廁其舊草多塗乙慎倒鈔胥不復能辨輒激慮鉤覈

得其首尾凡分卷十四具如右昔桐城姚姬傳有言學問之事有三義理考證文章而已自漢以來龐儒碩士間出三者之美罕克兼盡蓋其才多所偏信全美之難也至於本所學以明道於天下樹立節義磊磊軒天地此其人獨有以盡乎道之當然而深造乎聖賢學問之大卽不以翰墨著而其翰墨之傳世爭寶之況又兼向者所謂三者之長而備有之者邪斯集出吾知世之為義理考證文章之學者得所楷模殊途同歸各厭其意所欲求以去是丹非素論甘忌辛之見可以息而六藝微言乃大炳於天下所繫不綦重歟秋濤庸陋無識於師門微義一無所窺惟卽

所聞於先生知先生精研漢學而服膺宋儒嘗謂漢宋之學其要皆主於明經致用其歸皆務於希聖希賢他人視為二吾直見為一也惟斯數言實後學之準的異日論

本朝儒林者固當有所折衷然竊意其不能外此先生他著已梓者有齊侯壘銘通釋未梓者則三家詩攷說文釋文校本古籍考穀梁通釋諸書今以請告歸後所著述當尤富秋濤校先生集既畢爰附識于目錄後云丙午六月十日

舊序

吾師陳頌南先生當



宣廟時以抗直受

主知與臨桂朱公琦高要蘇公廷魁並世有三御史之目  
諫諍草者咸舌撓不得下海內名儒想風望來躡屨投刺  
爭以一瞻顏色為幸者畧蓋無虛先生植品既高文章學  
問又足牢籠百氏震動時賢於是有阮文達公元孫先生  
經世為之師何先生紹基魏先生源張先生穆苗先生夔  
趙先生振祚朱先生琦梅先生曾亮諸君子為之友何先  
生秋濤為之徒相與捫匳精思切劘道誼學益懋品益高  
而名亦益顯然後知執一卷奏議以重先生者其不足以  
概先生而倖先生也生平覃心攷據於聲音文字之學尤

家正鈞霍歸里後嘗自題楹語云六經宗孔鄭百行學程  
朱嗚呼觀於此言可以知先生自信之素矣先生與先大  
父為壬午鄉試同譜顯曾未訖時婁得樞謁坐隅習聞緒  
論猥蒙獎借勉以根柢之學許列門牆方冀仰窺豪末稍  
慰提命之衷乃哲人遽萎恨何可言先生歿後癸亥顯曾  
遊京師偶於敝肆得何願船比部手訂籀經堂集底本編  
卷十四皆繫先生丙午以前之作斐然艷然如獲拱璧因  
復摻晚歲誤著舉所見所知者別輯二卷附為補遺今夏  
家居輒用子版排印百十部傳之當代於是跂先生之節  
之學者皆得先覩為快而顯曾區區私淑之心庶幾或酬

萬一也已先生所著尚有三家詩攷穀梁通釋均未見已  
刊者有齊侯壘銘通釋一卷擬俟續印以成全書於戲先  
生之風節世知之先生之文章學問非是集無以傳則此  
書之行是固海內想風望采諸君子所樂觀其成者也集  
字既畢謹述編輯之由與蠡測管窺之見附之卷後同治  
甲戌秋日晉江門人龔顯曾謹識

舊經堂類藁目錄

門人光澤何秋濤原編

門人晉江陳榮仁重編

卷第一 御試論策 奏疏

功懋懋賞論

認真修練水師策

武營積弊疏

海疆防堵疏

請禁止夷民干預地方片疏

申明刑賞疏

請查冒銷軍需疏

整飭戎行疏

拏獲董來升傳遞疏

請交部議處疏

拏獲李四片疏

稽查普濟堂完竣疏

劾縣書濫索物件疏

河防籌畫疏

盤獲臺灣逆首疏

拏獲脫逃太監疏

卷第二 奏疏

請辦閩省會匪疏

請禁淡水硫磺出洋片疏

奏參員挾嫌訐告疏

劾參員逗留勒索片疏

請定獄讞以肅紀綱疏

指參督臣劣跡片疏

請取截漕糧以賑民飢疏

請採川米以充京倉片疏

嚴申軍法疏

條陳軍營告病請照例辦理片疏

請停捐軍功舉人疏

陳時務四策疏

湖北防堵三策片疏

請酌留直隸兵丁片疏

卷第三 奏疏

條陳錢鋪關閉疏

請催海運北上疏

請撥重臣分駐皖省要害疏

請飭豫撫移兵會剿土匪疏

呈繳書函疏

請飭幹員勦辦漳泉土匪疏

奏繳時事說部疏

條陳閩省賊匪情形疏

保舉軍營差遣片疏

叅劾劣員捏報吞餉片疏

回籍辦理團練恭請  
聖訓疏

會同五城籌議巡防事宜疏

會同五城請揀雜職人員疏

劾大臣統兵逗留片疏



稽查甲兵疏

陳奏泉州守城獲勝疏

乞閩浙總督代謝

天恩狀  
附閩浙總督代奏回

籍疏

卷第四 經說

日中見沫解

禮于六宗解

生民首章魯毛異同解

子曰有奔走解

會有表解

中離維網解

宗廟之事如會同端章甫解

釋必

釋搢

釋掃

釋鑿

釋豐

釋楫

釋應音

易林引詩攷

卷第五 經說

石經考異補上

石經考異補下

附吳敬之履敬周禮石經殘碑跋

附吳敬之履敬公羊石經殘碑跋

補劉楚楨寶楠釋穀考

卷第六 賦擬體 古體

擬楊子雲長楊賦

擬潘岳藉田賦

擬丁儀勵志賦

擬庾信三月三日華林園馬射賦

擬庾子山燈賦

擬常袞春蒐賦

擬李程日五色賦

擬張曲江荔支賦

擬唐韓偓紅芭蕉賦

擬蔡君謨李秋牡丹賦

擬李忠定公荔支賦

涉江采芙蓉賦

日月會壽星賦

來降燕乃睇賦

碧桃滿樹賦

蜃樓賦

荷花生日賦

紅葉賦

漁火賦

卷第七 賦律體

太學叔置石經賦

漢宣帝詔諸儒講五經同異賦

漢章帝詔諸儒講五經同異賦

八月其穫賦

授衣賦

煮桃賦

唐棣之華賦

濠上觀魚賦

高岡鳴鳳賦

寒夜聞霜鐘賦

瓦鐵為舫賦

數點梅花天地心賦

動靜交相養賦

諫筭賦

冰輪賦

卷第八 古今體詩

送阮宮保致仕歸里集石鼓文十章

壽潘宮保七十集石鼓文九章

鼓吹曲

筮篥引

猛虎行

雉子班

鐵山碎

天上何所有

雞鳴高樹巔

擬西北有高樓

丙申四月四日江亭修禊

題曹子沅清丈屯田圖

題戴雲帆絳孫寒齋味雪圖

題陸山戴筆圖為戴雲帆

為葉芸潭紹本前輩題湘江重慶圖

題孫劭吾采芝圖

杜貞女截指詩



題戴雲帆隴樹瞻思圖

韓三橋文綺杏墅課孫圖

葉東卿志銑新得周鼎將置金山作歌紀事用西樵  
焦山古鼎歌元韻

東坡生日

東菑仙麓夔作

林安人一鐙課讀圖為林薌溪昌彝

跋李季雲家藏楊忠愍公諭兒應尾應公書墨蹟

題潘季玉家藏楊忠愍公承恩圖引墨蹟

正氣閣春祭紀事

題董節母篝燈課讀圖

丙午閏端午韓小亭泰華招同曹良甫懋堅戴雲帆  
綢孫張石州穆劉克夫位坦何子貞紹基梅伯亮  
趙伯厚集龍樹寺屬畫師吳冠英為圖沈朗亭兆霖  
以事不至

題朱蘊山先生遺詩

丙午閏月十三日潘季玉招同曹良甫懋堅吳清如  
嘉淦朱伯韓琦趙伯厚振祚何子貞紹基翁祖庚  
同書蔣心香德馨羅椒生愔衍莊衛生受祺楊墨  
林尚文楊子言尚志同集頤園王子懷茂蔭張石

州穆劉開生愷以事未至

何子貞家藏王蓬心宸山水圖步陸筱欽汪韓門原  
韻

何子貞家藏顧南雅梅花圖

蔣令亭棘闌紀事手蹟

跋王損菴肯堂諫草殘稿

賀華陽卓相國大拜次原韻

題李寄雲恩慶倣王叔明聽雨樓圖

陳忠愍公化成遺像

卷第九 古今體詩

仁虎行 丙午將出京韓小亭太守以方正學先生  
仁虎圖屬題因作此以應之

跋藍瑛倣宋元四家合卷為楊墨林尚文作

左蘿石先生浣筆泉詩石刻敬次原韻

題朱某堂鐘鼎款識遺稿全用六語韻

丙午六月廿九日出都口占

七月初一日通州曉發

初四日舟次析津

十四日泊十五里口董仲舒祠

十九日過夾馬營驛

是夜宿武城縣題弦歌臺四首

廿三日臨清舟次為江梅舫相題寒鐙課讀圖

廿七日過東昌府題魯仲連射書處

三絕碑

微子城

高陽氏陵

巢父墓

廿九日過荆門題陋巷分宗處

顏子廟

八月初一日張秋鎮曉發登吳季子陸劍墓

彥祿彥鴻侍

梁山泊

初八日次南旺分水紀事

十一日次寺門關過宗聖故里

十三日晚過大長溝題會麟渡

十四日次泇城登太白酒樓

謁拉少陵祠

曾子廟

十五日過仲家淺

仲子廟

師家莊

仲子書院

子思廟

孟家口

孟子廟

中秋月夜黃家口泛舟至徐家口四十二里

十七日曉過赤山

十九日過鍾吾驛地為伍子胥楚項王故里

九月初二日到揚州謁阮雲臺師

初三日梁芷鄰中丞岑紹周司馬劉孟瞻明經羅茗

香疇人黃右原員外楊季子上舍招遊華清宮撰  
早先謁史忠正祠

十四日到蘇州為汪篠珊藻題壺園話別圖

十月初一日到杭州甘小倉鴻伊小沂念曾兩大令

招遊西湖小食出孤山補梅圖屬題

雙隄補柳圖為甘小倉題

題伊墨卿太守西溪消夏圖

伊小沂萬梅花裏坐詩人圖

十一月廿八日抵家戲作有客有客四章

鄭韻齋篋吟思圖六言三首



陳秋坪登龍墨跡六言二首為甘小倉題

粘樹三裱琴圖六言二首

李鐵梅學使三百三十有三石亭圖六言三首

浙江陸子俞寒鐙夜課圖

卷第十 古今體詩

題林石潭遺照

丁未三月既望陳二衡廣文邀同鄭蘅浦大令黃階  
南拔萃陳雨春通判李孫彥太學遊清源山上裴  
仙洞越早登觀日臺午後乃還得詩四首

和葉丈東卿己酉九月十九日登嶺南白雲山展脩

秋禊用陶靖節九月九日韻二首

顧祠雅集圖

汪紫仙一松一石圖

題洪洞商節母高安人

萬安橋松蔭歌

林節母余恭人課孫圖

題苕仙麓張石州何子貞郎公論心圖

李忠定公玉印行

鄭夾漈修史研歌

顏忠烈公赤文篆印歌公諱允紹明進士仕河間太

守因 大兵至舉家闔門自焚顏考功光敏其孫  
也得印藏之

顏忠烈公白文篆印歌考功元孫士鑒道光己酉拔  
貢復得此印藏於家

題宗滌樓萬松陰裏一團瓢圖

劉文成公授經圖

熊烈婦刲臂療夫尋投水死為其孫胡比部家玉屬  
題烏程王錫璋妻周氏割臂事母

韓小亭蜀徵訪碑圖

仁王山屢募圖慈瑞木鶴田哲嗣叔總屬

黃香圖  
貽檀采芝圖

辛亥冬月孔繡山舍人招同呂鶴田曾滌生兩侍郎  
胡光伯編修邵蕙西比部雅集韓齋賦詩一首次  
舍人元韻葉潤臣中翰以事未至

孔繡山韓齋把卷圖

孔大母三世授經圖

廖鏡清維淵采菊圖

苗仙麓寒銚訂句圖

楊忠愍公諫草墨蹟

周忠介公畫扇

韓淥琴鳴琴課子圖

題林說樵遺照

蘇鼇孫校書圖

咸豐丙辰五月廿八日午刻家復下紫雨詩以紀之  
丙辰七月十一日陳祖培太學邀同李葵南司馬  
儀賓上舍陳仲義太學游紫帽山上凌霄壇憩金  
粟洞得詩四首許澂甫比部以事未至

卷第十一 序

陳樹滋齊詩翼氏學疏證序

說文義證序

藍水何氏三孝義傳序

郭榴山易易錄序

奎素仙藥書簡要序

鄭雲麓先生文集序

劉鶴汀先生文集序

朱雪龕綠筠堂菊花詩序

梁愛蓮藤花軒集腋詩存序

薛先生文稿序代卓相國秉恬

蘇紫溪先生易經兒說序

洪稚存先生轉注考序

柳賓亦春秋穀梁傳學序

林薌谿三禮通釋序

姚正父爾雅啟蒙序

陳星槎所著書序

卷第十二 序 後序 引 題辭

呂西邨類稿序

彭仲山無近名齋文鈔序

李梅生小笥香館詩鈔序

蘇鼇石亦佳書室詩文鈔序

吳荷屋歷代名人年譜叙

福州邵氏族譜序

丙申四月四日江亭展襖後序

泉郡明倫堂題名輯畧後序

故城賈氏族譜引

延平鄧氏族譜引

張石州煙雨歸耕圖引

蔣慕生易說引

驚峯載筆圖題辭

滄浪漁父圖題辭為蘇州顧湘舟沅

潘玉泉養閒草堂圖題辭



卷第十三 贈序 壽序

送安邱王母山大令之任鄉寧序

送陳蓮史方伯之任江甯序

壽宮保吳縣潘相國七十

壽郭介平先生暨配林宜人雙度

壽吳馨圃暨配林恭人雙度

壽林鑑塘太史暨龔夫人雙度

壽陳海峯六十

壽四川陳方言先生七十

壽上官寅齋七十

壽同安周先生七十

壽安徽汪母王宜人七十

卷第十四 壽序

壽邵武饒母鄧安人七十

壽陳母楊宜人七十

壽福州林母謝太夫人七十

壽山西孟母溫太宜人八十

壽同安陳母李宜人六十

壽馮蘭垞母林安人七十

壽鄭母陳孺人八十

壽靈石楊母王淑人六十

壽劉母許恭人六十

壽姚母沈太恭人七十

壽武母趙太恭人七十晉五

壽孫母蘇太夫人八十晉一

卷第十五 跋 考

演礮圖說輯要跋

正字畧跋

許吾田宗寅新得遼金三碑跋

桂皓亭說文部首內讀跋

郭米山求是錄跋

林梧圃詩鈔跋

韓樹屏夫子秋江歸棹圖跋

呂西邨愛吾廬筆記跋

林欽雲鼓記跋

于復齋四書辨字跋

韓滌琴規政吟跋

李忠定公墨跡跋尾

周忠介公手札跋尾

洪稚存先生萬里沙圖跋

劉文正公墨跡跋尾

劉文清公墨跡跋尾

跋劉誠意伯墨跡

衍聖恭懿公墓誌銘跋尾

書闕里孫孺人墓誌銘

語助冠首字法考

唐刻契帖攷

卷第十六 書

復劉寬父侍御位坦書

答李子迪檢討光茂書

與舒雲溪制府與阿書

與駱額門中丞秉章書

復陸稼堂中丞應穀書

卷第十七 讚 銘 說 策問 策對

賈門盧貞婦讚有序 附何氏說

題呂西邨髯可我我圖讚集易林語

祝詒亭太守行樂圖讚集易林語

韓魏公遺像讚

黃文簡公遺像讚

潘理齋先生世璜遺像贊并序

見古閣圖讚并引

張誠齋提帥廣信海上觀濤圖讚

石研銘為張石州穆

桂林府說

策問五篇

小學策對

卷第十八 鐘鼎攷釋

商乃作器觚攷釋

商執戈其父鼎攷釋

竈伯彝攷釋

周裕伯銘攷釋

書格伯段銘攷釋後

咎隸甌銘考釋

周孟姜簋考釋

周季妓鼎攷釋

櫨妘鼎攷釋

王在室尊銘攷釋

鬯卣攷釋

周孟姜敦攷釋

廟刑器攷釋



周朝末金飾辨

古銅直錢攷

鄭井叔鐘釋文

舉木父辛冊攷釋

秦平陽斤攷釋

曲成家銅錠攷

臨虞宮銅鐙攷

魏熨斗攷

漢竟甯雁足鐙攷

卷第十九 傳

李孝子傳子景韓附

呂孝子傳

蔣孝子家傳

何文軒家傳

孝友邊紫崖暨配徐氏合傳

德化黃氏三節婦合傳

廬陵王氏兩孝子合傳

王節婦陳氏傳

吳壘畦家傳

陳蔗田家傳

鄭恭人傳

王節母方宜人傳

陳母鄒太宜人傳

傅恭人傳

王懷佩先生殉難紀遺

陳生潤渠殉難紀遺

卷第二十 記

重修泉郡學宮碑記

重修惠來學宮碑記

重修陳江三世祖祠堂碑記

三屏紫陽二書院經費碑記

龍泉寺檢書圖記

菑仙露檢韻圖記

蓮社證因圖記

環翠亭記

孔繡山致經堂續記

東皋蘭譜記

辟疆小築園記

卷第二十一 神道碑文 墓表 墓闕銘 墓碣銘

皇誥授光祿大夫經筵講官吏部尚書管理順天府府

尹事務追贈太子太保寶應文定朱公神道碑文  
皇振威將軍安徽壽春鎮總兵加提督銜銳勇巴圖魯甯河剛節王公神道碑文

皇誥授中議大夫晉資政大夫光祿寺卿許公神道碑銘

博野縣知縣何君墓表

皇誥封宜人蘇州馮母謝氏墓表

中憲大夫馮君墓表

錦亭始祖靈源公墓闕銘

同安陳母洪氏墓碣銘

東莞縣丞黃君墓碣銘

卷第二十二 墓誌銘

皇誥授朝議大夫江南安慶府知府前翰林院庶吉士陳君墓誌銘

候補教諭上官君墓誌銘

龍溪黃君墓誌銘

龍溪黃母鄭氏墓誌銘

廣平府知府楊君墓誌銘

故翰林院編修湖南提督學政龔君墓誌銘

林母王氏墓誌銘

黃李府君墓誌銘

張母王氏墓誌銘

勅授武信都尉楊君墓誌銘

誥贈中憲大夫楊君墓誌銘

南安府知府李君墓誌銘

誥授奉直大夫州同知張君墓誌銘

戶部員外郎丁君墓誌銘

誥授通議大夫致仕光祿寺少卿卞君墓誌銘

誥封中憲大夫江西撫州府知府陝西綏德直隸州

學正丁君墓誌銘

誥贈資政大夫內閣學

兼禮部侍郎銜海甯州學

正餘姚朱公墓誌銘

卷第二十三 墓誌銘

誥授榮祿大夫工部左侍郎沈公墓誌銘

介休馬君墓誌銘

陳江蔡孺人墓誌銘

族子朝光母蔡宜人墓誌銘

陳母張孺人墓誌銘

麗水縣知縣李君淑配陳氏墓誌銘

張鬱山墓誌銘



皇清貽贈修職郎松溪縣儒學訓導鄉飲介賓毅亭

陳君暨配蔡孺人合塋誌銘

王學潤墓誌銘

龔樸菴墓誌銘

吳暘谷員外墓誌銘

莊母陳太恭人墓誌銘

黃母林氏卓氏祔子郡學生世璐墓誌銘

誥授振威將軍福建水師提督林公墓誌銘

卷第二十四 誄 祭文 墓啟

貞孝趙姑哀誄有序

祭始祖靈源公墓文

祭林母蔡淑人百有四歲文

祭侯官林文忠公文

祭孔俊峯昭杰大令文

建立泉郡育嬰堂啟

安海育嬰堂募啟

重修開元寺募啟

重修福清寺募啟

男彥爵

孫翼謀

祖釗

祖津

彥祿

祖凱

祖耀

祖懋

彦鴻

祖拔

祖昌

祖榮

彦鵬

祖萃

祖辰

彦鶴

同校字

籀經堂類藁目錄畢

纂經堂類藁卷第一

晉江陳慶鏞頌南撰

御試論策

奏疏

功懋懋賞論壬寅二月十四日

御試

笙簧酒醴燕臣工者也黼黻文章羅俊乂者也若夫建不朽之殊勳立非常之偉績則褒崇異等不在此數禮說九錫車馬衣服樂則朱戶納陛虎賁鉞鉞弓矢秬鬯各隨其功之上下用以嘉賚崇典禮也亦紀功崇也商書曰功懋懋賞旨哉言乎夫古者人臣功有五以德立宗廟定社稷曰勲勲能成王功也以言曰勞勞劇也能劇力也用力曰

功謂以勞定國也明其等曰伐伐擊也猶擊伐也積日曰閱閱者具數於門中其功可數也五者通謂之功其在禮曰王功曰勲國功曰功民功曰庸事功曰勞治功曰力戰功曰多皆謂此也又曰凡有功者銘書於王之太常祭於大烝明功之必受賞也虞書曰明試以功艷等差也又曰各迪有功信飭遠近衆功也夏書曰禹錫元圭告厥成功言治功成而錫圭以表顯之也殷興諸臣毋不有功于民勤力廼事故其時升陟陳師輔成王業若伊尹是王功也至垌作誥保全國家若中韞是國功也出北門得賢臣法施於民若汝鳩汝房是民功也定民社祀句龍勤勞施國

若疑至臣扈是事功也掌司空定明居制治成法若咎單  
是治功也伐三災作典寶傳土紀功若義伯仲伯是戰功  
也凡此皆職藏明府名載冊書重以盟誓之約使泰山如  
礪黃河如帶用示于萬年申錫無疆此懋賞所由著也周  
受殷亦大賚善人嘉乃丕績故能保世以滋大及世之季  
也有功而不賞於是不言祿祿亦不及此之謂吝吝不懋  
也更有名器假人履之賜以上朝侯之封及通族此之謂  
濫濫亦不懋也夫所謂懋者賞與常輕重眡功蓋懋於義  
為勉功之懋以奮勉為力也懋於文從林賞之懋以豐林  
為辭也皋陶曰懋哉懋哉伊尹曰勉哉勉哉周公曰茂哉

茂哉其揆一也曷為先言功而後言懋功人為政見其功從而數之曰懋後數聚辭也曷為先言懋而後言賞賞我為政用其懋因而出之以賞先數散辭也故賞之訓曰賜有功史紀晉侯三行賞曰導我以仁義防我以德惠此受上賞輔我以行卒以成立此受次賞矢石之難汗馬之勞此復受次賞可謂賞錫當功矣然猶未免於計較而出則亦非懋賞之大也

認真修練水師策壬寅二月十四日

御批

寰海鏡清垂二百年於茲西旅貢藝越裳獻雉罔有  
外內來賁來琛近忽逆夷小醜自外生成跳梁跋扈  
騷繹我邊疆煩勞我師旅則以沿海兵民休養日久  
團練之法不脩故戰陣之臨無勇夫東南之地守江  
重於守城水戰急於陸戰誠使各屬水師勤脩訓練  
則海外有截可以息鯨浪而掃蜃氛今以水師之畧  
言之其要有三一曰備戰艦詩江漢浮浮武夫滔滔  
肇始舟師春秋吳呼迭對遂裂餘皇嗣後漢設層樓  
樹燾建牙是謂楊僕樓船下越晉用重棚築牆列戟



是謂王濬聞艦伐吳被以牛革冒石衝鋒是謂鎮惡  
蒙矐襲渭凡此皆以舟戰計今海口若廣東虎門福  
建廈門浙江乍浦江蘇崇明山東登州直隸天津宜  
多列戰船無事則以操練為巡緝有事即陳列而編  
之如常武鋪敦淮濱聲勢聯絡寇奚由進此水師之  
宜脩一也一曰選水兵尚書大傅武王渡河前師乃  
鼓鼗操鼗操猶拊操亦曰鳧噪如鳧之噪呼又曰鳧  
藻如鳧之戲於藻水兵之象也說文泳潛行水中也  
汙浮行水上也水兵之募必能入水其次能鳧水聞  
粵漁戶有習精此藝者無難慎選之夫周攻吳張永

捷使習水者繫舟而獲巨艦宋拒金劉錡以善水者  
鑿舟而沉輜重制勝有奇謀此水師之宜脩二也一  
曰繕火器古礮用石不用火周官言火射孫子有火  
隊並不及礮左傳旂動而鼓賈逵以旂為發石即范  
蠡所作飛石甘延壽傳謂投石是也而礮字始見文  
選間居賦亦言礮石雷駭其以火發者則起自宋虞  
允文之用霹靂礮凡礮銅為上閩鐵次之晉鐵又次  
之其餘火箭火灌火彈火筭法而製之無敢不善周  
瑜之焚赤壁也元朮之克黃天蕩也皆水戰而用火  
攻也此水師之宜脩三也三者脩乃可言戰然其要

在選將有將斯有兵易曰師貞丈人吉明有將也

皇上興神武之師肅天威之討凡職守海疆宜何如認真脩練以効蒼兕之呼而呈白魚之躍也哉

武營積弊疏

江南道監察御史臣陳慶鏞跪

奏為軍營積弊亟宜掃除整頓以歸實濟敬陳管見仰  
祈

聖鑒事竊惟兵弁之設所以敵愾近日各省營伍往往名  
曰馬兵而實則無馬名曰水勇而實則素不習水督  
撫提鎮操演之日馬兵則臨時雇覓馬匹水勇則雇  
覓漁戶替代又凡提鎮至千把外委各有蔭糧之說  
每以一人食數人之糧多者或數十人其次或數人  
不等蔭之多寡以官之大小為差下及署中稿案書

識亦各私為蔭糧至操演之日通融頂替或以老弱充數或官領軍器朽爛不堪火器則除烏鎗擡鎗之外並不演放其火藥亦俱粗糙剋減硝數少加硫磺取其聲響而止實不能遠送鉛子的取準頭此等陋習督提撫標皆然自海疆有事各省征調屢蒙

皇上諄諄訓飭其在封疆大吏受

恩深重豈不欲汰除陋弊無如積重難返相沿已非一日  
在屬員則迴護稟報在長吏亦即奉行塞責誠以積  
弊既久倘一經查出不惟現任者難免科咎即歷任  
各官亦均有干法紀其實弊所由起已不知始於何

年起於何人後來者遞相沿習在無事之日頗亦足  
彌縫粉飾萬一有事欲其効命同仇豈復有濟為今  
之計不盡察其弊端則軍務無由核實而欲察其弊  
端處分愈嚴則弊端愈不能出以臣愚昧之見莫若  
請

旨飭下各省督撫提鎮凡軍營積弊悉令據實陳明妥定  
章程以期實濟本任及歷任沿習之咎一概寬免如  
實能洗刷振興勤奮有為者除從前失察悉予寬典  
外仍當破格獎勵以勸將來如有不實不盡或仍蹈  
前轍一經發覺加重治罪則軍務可以核實而一兵

必有一兵之用矣臣為掃除積弊起見是否有當伏  
乞

皇上聖鑒謹

奏

道光二十三年正月廿三日上奉

上諭御史陳慶鏞奏營伍積弊一摺據稱近日各省營伍  
操演之日所有馬匹兵勇往往臨時僱覓替代甚至宮  
弁人等各有蔭糧以致通融頂替其軍器或至朽爛不  
堪火藥或至不能遠送等語設兵原以衛民一兵有一  
兵之用方為有備若如該御史所奏不獨平時操演盡

屬具文而國家養兵之費適飽營員私索上下相蒙一  
至於此若不嚴加汰除何以整肅綱紀著各督撫提鎮  
確切查明力除積弊如稍有諱飾不以整頓營伍為急  
須自問天良何在一經發覺朕惟執法以行斷不能俾  
邀也將此通諭知之欽此



海疆防堵疏

江南道監察御史臣陳慶鏞跪

奏為臺灣防堵亟宜照舊團練以靖海疆以洽輿論仰  
祈

聖鑒事竊惟福建臺灣一府孤懸海外民情浮動加以五  
方雜處近來重案層見疊出現在夷船屢次窺探時  
出時沒非鎮壓有人兼能熟識情形者不能得力查  
臺灣港口北以雞籠山為門戶南以打狗山為門戶  
商船出入必由其道方能前進但其處水礁極險惟  
用平底船乃可駕駛入港而中又有安平湖風濤無

定亦臺之險隘也上年倭夷竄突屢到打狗山輒見  
杖格其所以不能得利於臺灣者以用尖底船并且  
水路生疎在處地方官防閑嚴密未有奸民嚮導是  
以我兵一鼓而獲此誠地利之險也又聞其時風急  
濤驟彼居逆風我居順風以順擊逆民無力焉義兵  
乘風追奮正當沙磧昏黑夷人雖有大船猛礮所向  
摧折于是一概受俘喪膽畏威此又天時之助也易  
曰天之所助者順也人之所助者信也必得人之信  
然後得天之助臣籍隸福建側聞臺灣鎮總兵達洪  
阿臺灣道姚瑩平時實心愛民其團練鄉勇固結有

素與紳耆士商俱聯為一體故民皆信之一時踴躍  
從公共弁兵義 肯輒呼立應如子弟之衛父兄手  
足之捍頭目三次所獲勝仗雖由天時地利而其實  
全在人和鶚冠子言用兵之道慎以天勝以地維以  
人成人和之成統由

國家二百年養士之庥深仁厚澤合仰賴

皇上天威洪福夫是以敵愾同仇不折一兵不遺一矢卒  
能收功全勝并獲有夷人無算上年在浙所擄兵民  
衣服器械皆在其內凡厥士民觀者如堵莫不譁呼  
稱快近聞嘆夷在廈門勾結奸民製造平底船合共

一百四十隻聲言為渡臺之用臣惟英夷前在臺灣數被該鎮道用計逆擊屢挫其鋒心之所釘恨者在鎮道而心之所畏憚者亦在鎮道此刻斷不敢別生事端自投湯火然書稱申畫郊圻慎固封守易言君子以除戎器戒不虞事必有備方保無患漢用陳湯而匈奴卒服唐用郭子儀而回紇乞盟誠以威望所在敵人知懼前事者後事之師也應請

勅下該鎮道于雞籠山打狗山及鹿耳門扼要之地加意防守毋使奸民海盜相為勾結照舊日加團練鄉勇以資熟手以副民心如或堵禦不嚴即治以應得之

罪則海波不揚而居民安堵矣臣為慎重邊防起見  
是否有當伏乞

皇上聖鑒謹

奏

道光二十三年二月初九日上

旨留

請禁止夷民干預地方片疏

臣 陳慶鏞片

奏再查南澳一地為閩廣漳潮交界海中浮嶼四面夷船可通近聞該夷在處起蓋夷館夷樓並設教場在彼日行操演往來船隻以此為巢穴時出肆掠居民婦女擅受民間詞訟又在廈門鼓浪嶼干預地方民事上年龍溪縣黃吳村莊因被水災拾獲漂流杉木竹筏其後赴夷告訴該夷即到吳姓焚燬房屋至十三所之多而黃姓需夷洋銀六百元得免現在附近各鄉村械鬪者皆需銀囑其幫鬪該夷即為出力殘

欽定四庫全書  
卷一  
十一  
毀百姓糜爛實甚又聞有商船在臺灣運米內地共  
五十多號行至洋面被本地賊匪之草鳥船搶去亦  
訴于暎夷代為緝獲財米似此干預地方于政體大  
有關係應請

飭下督撫嚴切曉諭如有百姓赴夷告訴者治以重罪一  
面諭令暎夷毋許干預民事如不遵約束者亦令自  
治其罪庶民夷相安不至啟煽誘民心之漸謹即風  
聞據實陳明理合附片謹

奏

道光二十三年二月初九日上

申明刑賞疏

江南道監察御史臣陳慶鏞跪

奏為刑賞失措無以服民竭滙愚忱仰祈

聖鑒事臣惟行政之要莫重於刑賞刑賞之權操之于君上而喻之於民所以為天下之大公也大學論平天下之道在于絜矩矩者何民之好惡是也民何好何惡好賢而惡不善耳倘見賢而不能舉舉而不能先見不善而不能退退而不能遠其端始于優柔寡斷其後遂以小人為國家病經意深微不可不察也逆夷滋事以來自總督將軍以至州縣丞倅禽駭獸奔



紛紛藉藉惟知船駁之足驚誰復典型之是懼去年秋後逆船退出大江烽煙稍靜

皇上赫然震怒失律之罪法有莫逭始

命沿海督撫一切敗將逃官詳查確覈交部治罪于是最辱

國之靖逆將軍奕山揚威將軍奕經參贊大臣文蔚兩江總督牛鑑浙江提督余步雲後先就逮部臣按律問擬斬監候秋後處決余步雲情節較重即于十二月二十四日奉

旨正法凡有血氣之倫莫不拊手稱快謂

國法雖前未伸于琦善今猶伸于余步雲失之東隅收之桑榆而今而後前車之覆足為殷鑒誰復肯蹈必然之誅而不求生于一戰哉乃二十六日即奉

上諭起用琦善為葉爾羌幫辦大臣邸報關傳人情震駭既而徐徐解曰古聖王之待罪人也有投之四裔以禦魑魅之法

皇上之於琦善將毋類是而今且以三品頂戴用為熱河都統矣旋且用奕經為葉爾羌幫辦大臣文蔚為古城領隊大臣矣夫逆夷之敢於猖獗沿海兵丁之敢於逃竄至今日海水羣飛鯨鯢跋浪為所欲為莫敢

誰何者實由琦善於逆夷入寇之始首先示弱以惰我軍心助彼毒醖今海內糜爛至於此極即罷斥琦善終身不齒尤恐不足厭民心而作士氣何況輦帶再加脫俘囚而薰沐之乎至於奕經之罪雖較之琦善少減文蔚之罪較之奕經又當少減然

皇上命將出師若何慎重奕經乃夜郎自大深居簡出頓兵半載曾未身歷行間騁其虛憍之氣志盈意滿期於一鼓而復三城卒之機事不密詒笑敵人覆軍殺將一敗不支此不待別科其騷擾供億招權納賄之罪罪已不勝誅矣臣亦知奕經為我

高宗純皇帝之苗裔

皇上親親收族推念同氣必不忍遽加顯戮然竊意即幸邀

寬典亦當圈禁終身銷除冊檔無以詭

天潢宗室之羞豈圖收禁未及三月輒復棄瑕錄用且此數人者

皇上特未知其見惡於民之深耳倘俯採輿論誰不切齒於琦善而以為罪魁誰不疾首於奕經奕山牛鑑文蔚而以為投畀之不容緩直道未泯公論可畏非臣一人之私言也側聞琦善意侈體汰跋扈如常葉爾

羗之行本屬怏怏今果未及出關即蒙

召還熱河密邇

神畿有識無識無不撫膺太息以為

皇上嚮用琦善之意尚不止此萬一有事則熒惑聖聰者  
必仍係斯人履霜堅冰深足懼也頃者

御試翰詹以烹阿封即墨命題凡百臣工能無惕息而今

茲刑賞若此臣愚未審

皇上之所謂阿者何人即墨者何人假如

聖意高深偶或差忒而以即墨為阿阿為即墨將毋譽之  
毀之者有以淆亂是非耶北齊文襄令杜弼陳政要

可為鑒誠者弼曰天下大務莫過刑賞二端賞一人使天下之人喜罰一人使天下之人服二事得衷自然盡美文襄悅曰言雖不多於理甚要然則今日用刑用賞豈可不以天下人之好惡為衡乎所望

皇上立奮天威收還

成命體大學絜矩之旨鑒盈廷毀譽之真

國法稍伸民心可慰臣不勝激切屏營之至愚戇之見  
是否有當伏祈

皇上訓誨施行謹

奏

道光二十三年四月初四日上奉

上諭本日據御史陳慶鏞奏琦善等三人起用為刑賞失措無以服民等語前因琦善奕經文蔚先後辦理夷務未能奏效當將琦善等革職治罪因思從前辦理不善總由朕無知人之明以致琦善奕經文蔚諸人喪師失律迄無成功惟有反躬自責愧悔交深何肯委罪臣工以自寬解琦善等韜略未嫻限于才力現在年力正強是以棄瑕錄用予以自新今該御史剴切指陳請收成命覽其所奏抗直敢言朕非飾非文過之君用人行政一秉至公初無成見豈肯因業有成命不便收還自存

迴護耶琦善與經文蔚均著革職卽令閉門思過以昭  
賞罰之平至黜陟之權操之自上本非臣下所能干倘  
該御史所奏于情法未能持平朕亦不能曲從以邀譽  
中外臣民應曉然于朕撫躬引咎虛懷納諫之至意也  
欽此



請查冒銷軍需疏

江南道監察御史臣陳慶鏞疏

奏為冒銷軍需請

旨飭查事竊惟

國家經費有常而軍需動欸尤宜樽節實用實銷此次  
各海疆動撥銀兩報部者已不下二十萬兩現在截  
銷尚有陸續補報等項查各處並未經打仗即防堵  
亦屬有名無實至火礮戰船大都糙舛難用而動欸  
何以如此之多其中難保無偷漏侵漁情弊即如奕  
經之在蘇州自滄浪亭公館至巡撫衙署相去不過

二里而因私回拜所帶輿夫每出必須糧臺給發制錢二十千設由撫署至閫門又行五里再給制錢二十千是奕經此行即其輿夫積日累月可糜數千金之餉又總兵鄭國鴻之子鄭鼎臣聞毀家為其父報仇而奕經乃為開糜兵餉至三四十萬僱水勇二萬餘人據稱後皆逃散而究竟殺賊者何人被賊殺者何人此二萬人中豈能一一盡化為烏有應請

飭下浙江巡撫照依原冊按名細查虛實一面將鄭鼎臣與奕經對質令其逐項交出實據果係何人經手何款冒銷無難水落石出其餘各省亦宜一律嚴行

實刪減毋冒毋浮若所造火礮必令演放試過合式  
方準實銷如或隨時炸裂即著承辦官員改造賠修  
庶

國帑不至虛糜而一器有一器之用臣近恭閱邸抄奉  
上諭戶部銀庫竟虧空銀至九百二十五萬餘兩之多以  
國家正項錢糧膽敢通同作弊任意攫取似此喪心昧  
良行同偕國盜賊等因欽此臣伏讀之下曷勝涕淚痛  
惜惟盜賊之技有二一為明目張膽之盜一為假公  
濟私之盜如攫取銀庫是明目張膽者也如冒銷軍  
需是假公濟私者也二者行跡不同而其喪心昧良

正等春秋書曰盜竊寶玉大弓非盜也而曰盜為其甚于盜也臣職司糾彈謹就風聞所及為

皇上陳之伏乞

聖鑒謹

奏

道光二十三年四月初四日上

旨留

整飭戎行疏道光二十三年四月

江南道監察御史臣陳慶鏞跪

奏為整飭戎行製備軍器宜稍變成法以壯兵威仰祈  
聖鑒事竊以兵弁之設所以捍患養一兵必收一兵之用  
而平日之教演練習必須各就所長專精其技方能  
任時有用自噶夷滋擾各路紛紛征調鼓舞用命者  
固自不乏而退縮不前者亦復不少在此輩素受養  
養豈必絕無天良誠以平日技勇未能精熟故臨時  
自顧一無所恃奔潰偷生殊堪痛恨方今噶夷就撫  
海疆業為安靖在

皇上軫念黎元不忍使罹鋒鏑而值此無事之日亟宜整頓演習以肅軍容臣愚以為向來成例固不可妄議更張而事勢所關有不得不略為變通者一曰習技貴乎專一自來各省營伍馬兵均由步卒挑選水師亦即由馬步挑補誠以錢糧有多寡故使陸續增加以示鼓勵而習于步者未必習于馬習于陸者未必習于水其勢必然況步兵中之藤牌鳥鎗抬鎗礮手弓箭長矛等器各有不同倘迭令更易雖在靈巧便捷者亦不能驟精其技夫武備之設貴收實效而軍營教演必須責令專精方不至有名無實臣愚以為

練兵宜以所用器械分別責成營伍如習於火器者  
大礮之所及最遠則一礮手為一隊其次抬礮其次  
抬鎗又其次鳥鎗他如火箭噴筒火毬等項亦必皆  
責令專工演習其刀牌弓箭長矛等技亦令各用所  
長守一不變似宜照京營分立火器健銳名目令各  
營自叅遊以下俱各分班令習於火器者補火器營  
之官弁習于弓矛者補健銳營之官弁每營本股各  
有升擢階級則事不紛雜而兵勇可以得力又凡操  
演火器向來止放空鎗不裝鉛子其平素所演之藥  
不過取其聲響而止不知藥之力量鉛子之準頭非

演習試過則臨時無從措手即如礮若干重塘若干大能裝藥若干多送鉛子若干遠壑高幾分能加遠幾許其藥內所用硝硫柳炭若何配遣若何成色其力能加幾倍非時加考驗則毫無把握至抬礮抬鎗等件用合口鉛子能及幾許遠用蜂窠鉛子能埽幾許寬必令操一器者各盡一器之長則臨陣之時人膽壯若刀牌弓箭長矛如何可與火器相救應或能登山涉水跳躍騰擲便捷輕利亦各以技藝之高下為錢糧之厚薄至水員一項尤宜加倍演習始能得力以臣愚見莫若即以海濱漁戶擇其藝之高者



與以錢糧授以器械俾一月之內或演習五六次其平日以捕魚為業日日在水不待催攢自無時不習于水而又得此錢糧以養身家公私兩得莫便於此總之養兵在乎得用而練兵貴乎專精可否請

旨飭下各督撫提鎮妥定章程似此稍一更易戎行無患不整矣一曰製器莫貴乎精良近來兵法火器為先而火器緊要甚于刀矛蓋刀矛之所及者近必兩軍相接咫尺之間衝鋒對敵然塵頭甫起則先以火器相擊比及相接之時則勝負之局已定非製造精良講求盡善何由得力若鑄造無法不諳長短厚薄之

制則不能命中致遠或橫顛倒坐及損潰炸裂者有  
之裝藥無法不諳分兩輕重之數配合搗研之工或損  
鎔壞銃者有之裝放無法不諳遠近之宜衆寡之用  
循環之術或先期妄發或臨時不繼此皆平日講求  
不精製造未善所以未能得力之故也臣愚以為監  
造藥礮乃一軍勝負所關不得令粗疏躁率及素不  
講求之人任其事亦不可專諉工匠包定價值致有  
尅減必須訪求能手專遴幹員前赴產銅生鉄省分  
度其地可通水道船隻之處即由江船載運沿海以  
備應用而抬礮抬鎗子母礮大火箭尤為軍中利器

更宜多為鑄造至水中所有埋伏等器宜仿造自來  
火機以濟急需須擇其材能出衆者委以採辦製造  
則器皆可用敵無不克臣考武備志等書所載連床  
弩法可發三四百步其力極為勇猛不在抬鎗之下  
竊思弓箭所及遠不過百步倘添設弩床果如兵書  
所載則軍中多一利器于軍務不無裨益再如四川  
所產石油水中可燃江豚逆風能燒可否一併  
飭令各省購採以備應用臣等為整頓軍伍起見是否有  
當伏乞

皇上聖鑒謹

奏

拏獲董來升傳遞疏

巡視棘牆掌浙江道監察御史臣陳慶鏞等疏  
奏為奏

聞事臣等奏

命巡視棘牆于八月十五日酉刻正在巡查間據營官並  
司坊等在後牆外拏獲拋擲布包之民人並民婦到  
案臣雙壽臣陳慶鏞等公同訊問據民人董來升供  
稱大興縣人年二十三歲趕車生理于十五日酉刻  
替李張氏在後牆拋進包卷不知包內何物當見牆  
內房上有人站立接去又訊據民婦李張氏供稱天

津府靜海縣人年七十歲來京傭工我兒子李七在場內當夫央懇董來升代我拋進食物等語臣等恐該犯供詞不實不盡其中另有情弊當將董來升李張氏交步軍統領衙門訊辦于十六日寅刻甫經開門突有人乘間逃出當被協尉富升拏獲到案據供小的李七即李老兒係李張氏之子在場內充當雜夫于十五日酉刻在後牆房上接著我母親拋進燒餅業經吃了因聞我母親被拏遂乘開門時擁擠逃出至西轅門被官人拏獲腰牌留在場內等語臣等即將該犯李七交步軍統領衙門一併歸案審訊理

合恭摺具奏再臣黃贊湯臣呂賢基臣永桐臣特克  
慎臣何冠英臣陳慶鏞本日考試宗室例應嚴密外  
牆稽查合併聲明謹

奏

道光二十三年八月十六日奏奉

上諭李七即李老兒董來升李張氏著交軍機大臣會同  
刑部嚴行審訊協尉富升于該犯李七乘間混出時即  
已拏獲不令要犯脫逃甚屬勤能著加恩賞戴花翎以  
應升之缺即行升用其幫同拏獲之人著該衙門查明  
從重獎賞內場委官不候執門御史到齊擊鼓應號遽

行開門致使要犯逸出咎無可辭著卽查取職名交部  
嚴加議處文慶陳孚恩辦理不善著交部議處欽此



陳請交部議處疏癸卯十月初三日

掌浙江道監察御史臣陳慶鏞等跪

奏為奏

聞事竊此次考試候補筆帖式臣等奉

命監試即日入場因本年場弊滋多愈加嚴密防範于士  
子入場後分往各號按名稽查蓋戳未歸號者勒令  
歸號鎖上號門本月初一日士子交卷時臣等在至  
公堂查看收卷及各門監視啟閉務令場規整肅飭  
令委官吳安泰在龍門口收取照出簽不准無簽混  
出乃該士子文啓未曾交卷自恐不能混出到至公

堂外索取照簽自稱卷已呈交當經臣等扣住詳加盤詰搜出懷中攜帶試卷業已撕破令其畫具親供扶出迨士子出闈畢據收卷官禮部員外郎文通等檢出不完卷十七本白卷三本燒燬多頁卷一本自用墨水塗抹亂擦卷二十二本並有廂藍旂德斌正黃旂德亨試卷二本未至臣等覆加磨對散卷冊實短二本恐係士子因未能寫作藏匿試卷乘開門人衆擁擠混出該委官漏於點驗照籤未及攔阻稔查冊卷臣福珠隆阿正在西邊散卷抑亦散卷時本人未經入場誤被他人重領以致未敢交出均未可定

相應請

旨將委員巡檢吳安泰並臣福珠隆阿交部照例議處臣  
咸斌臣德奎臣陳慶鏞臣胡元博臣江鴻升等五人  
未能先事豫防一併交部察議為此請

旨謹

奏

拏獲李四片疏

臣陳慶鏞等片

奏再臣等開門時接閱外委官賁到刑部牌票立傳奏案人犯李六之弟李四據稱現在關內當差臣等傳到李六詢問供稱只有兄弟李二並無李四當將夫役人等逐一查點亦無踪跡隨將李六李二一併交外委官轉交該縣去後誠恐該犯李四實有其人設乘間脫逃復蹈李七故轍仍復督飭委員嚴密查訪旋于空屋內將李四搜獲臣等不知李四所犯何案惟該犯有意藏匿形踪已屬詭秘除一面交該地面

升兵解交刑部外理合附片奏

聞謹

奏

道光二十三年十月初三日奉

上諭本月據監視御史福珠隆阿等奏稱此次考試候補筆帖式有廂藍旂德斌正黃旂德亨試卷二本未交自請交議等語該士子既經領卷入場其如何未經交卷混出之處并著該旂查明具奏該監視御史及委員等未能先事豫防本有應得之咎惟此次該士子等入場後該監視御史等按名稽查勒歸本號其有未經交卷

索取照簽者亦經搜出携帶試卷即時扶出并於刑部  
票傳之李四一犯當於閨內搜獲不致漏網辦理尚屬  
認真所有委官吳安泰及福珠隆阿六人自請交部議  
處及察議之處均着加恩寬免欽此

稽查普濟堂完竣疏

稽查普濟堂監察御史

臣陳慶鏞疏

奏為監放普濟堂功德林粥廠完竣恭覆

恩命事竊臣萬超臣陳慶鏞奉

命前往廣安門外普濟堂德勝門外功德林稽察粥廠遵  
即于上年十月十五日開堂收養貧民至本年節屆  
清明停止查該堂每歲蒙

恩賞給崇文門稅銀一千兩京倉米三百石撥給功德林  
一百石嘉慶七年順天府奏請銀五千兩按一分生  
息以資經費又舊有捐輸房地租銀一千八百餘兩

其米石銀兩向由順天府委員按年彙造清冊送順天府覈銷歷經遵照辦理在案臣等奉

命後督率委員程仁傑認真經理每日每口用米七合早晚于辰申二時散給務令貧民均霑實惠計開賑收養貧窮男婦來去增減每日自一千六百名口至三百名口不等自上年十月十五日起至本年二月十八日節屆清明共收養過貧民計七萬六千一百三十五名口現已遵照向例查點放散聽其自謀生理其老弱殘疾實在不能謀生者計男三十四名口女二名口仍照舊章准其常川留養至功德林粥廠



每歲領到

恩賞崇文門稅銀一千兩分撥京倉米一百石向係該住持僧人經理臣等輪往稽察監放亦自上年十月十五日開殿起至本年二月十八日止共收養貧民三萬六千三百七十三名口現屆期滿悉令散去其殘廢四人仍查照舊案交該僧人照料留養所有臣等監放事竣緣由理合恭摺具奏伏乞

皇上聖鑒謹

奏

道光二十四年二月十九日上奉

旨知道了欽此

勅縣書濫索物件疏甲辰三月十四日

掌浙江道監察御史臣陳慶鏞等跪  
奏為場內書吏任意索取物件恭摺奏

聞仰祈

聖鑒事竊本年甲辰科會試臣萬超臣岳慶臣陳慶鏞臣  
張修育恭奉

恩命派出稽察執門所有闈中器用食物均由臣等看驗  
放入乃於初六日有縣書宋姓在貢院門內向外索  
筆曉曉不休經臣等飭以科場嚴密不准交接言語  
嗣于初八日舉子進場後有筆鋪人在執門向臣等

跪求寬免辦理據云向來鄉會試應用筆八千枝此次經交筆七千二百枝尚短交八百枝而場內傳票仍派令再交三千枝以向來應用之數計之實浮索筆二千二百枝等語臣等復思科場條例內載場內支用食物開具清單送提調官鈐蓋關防登號辦繳仍由臣等查驗是以臣等之得以查驗供給者總以提調關防為憑據而是日取筆票單係用總理供給所關防並未鈐用提調關防亦與定例不符業經臣等駁回更正惟此項筆枝是否實在須用有無格外需索無憑查核竊思場內供給支用雖繁均應確

定數計自三場完畢至發榜之期仍有二十餘日之  
久應請

旨勅下順天府尹查明辦理庶場內支用不致缺乏而書  
吏人等亦不至浮冒開銷臣等為整肅場規起見是  
否有當謹

奏

道光二十四年三月十四日上奉

上諭本日據輟門御史等奏場內書吏任意索取物件一  
摺縣書宋姓著交順天府查明辦理欽此

河防籌畫疏道光二十四年六月

掌浙江道監察御史臣陳慶鏞跪  
奏為河防要務宜籌畫周備以成保固以安閭民敬陳  
管見仰祈

聖鑒事竊河南中牟九堡于上年七月漫溢一時未能合  
龍現當秋汛屆期各處要工貴推行盡利方能底成  
厥績臣愚以為當責其所成儲其所用保其所要防  
其所因本年二月因前任尚書麟魁廖鴻荃辦理合  
龍埽工墊失五占

特命撤任回京而以鍾祥鄂順安留工籌辦並令悉心妥

議仰見

皇上軫念民瘼慎重河防至意近因河南省城水溢請款  
疏濬近河以禦城垣保護誠可無虞惟轉瞬大工合  
龍該河督巡撫在工日久當經相度機宜曾有成算  
應請

飭下專心一手辦理于秋汎既平春水未旺尅期合龍倘  
自揣未能即叙合行先期疏明仍俟

簡派熟諳河務大員及曾任著有成效者徃治之以期一  
勞永逸無復虛糜

國帑致蹈上年故轍臣故曰當責其所成也上年冬

需次合龍聞各處料垛價倍異常施工無所措手嗣因出示曉諭乃陸續運至而大工業已愆期價值倍數而償竟不濟事現該省未及被水村莊之處年景尚順乘收成之日蔴稽不至昂貴宜及時購買敷足于用則事省而功倍臨時無掣肘之虞臣故曰當儲其所用也東河與南河雖分兩地其實止一河東河溢南河必受其壅漫水下注江南必須大疏海口黃水利于迅厲急則通而緩則澱茲以無制之水任性罔行決不能循道而下勢必全黃入洪澤湖而湖底本為高仰又增以挾沙之漫水積淤其中設使西北



風起高家堰最爲吃重應

飭下南河總督于高家堰一帶竭力保固復遣明幹河員駐劉海口設法疏通導之歸海高家堰既固則南河之水可無患南河之水無患則東河合龍之局計日而成臣故曰當保其所要也大河出中年即由蘭儀考城逕歸德府入江蘇之徐州以至淮安府之清河縣匯淮由雲梯關入海此順軌也茲乃溢出祥符縣之朱仙鎮由陳州府之周家口下注於安徽之潁州府浸淫於鳳陽府查河南省城外來饑民其數不少而撫馭尚屬安靖惟潁州鳳陽二郡民情素稱強悍

自上年七月漫溢之後至今已及一年其失業流亡之人紛至沓來原望本年合龍水退可期回家耕作今茲未能且其地離家較遠巡撫藩臬耳目不能周到而向辦賑務不過委佐雜微員下鄉稽查戶口開載姓名甚或串通胥吏以小報大以寡報多從中漁利今縱不至於此而亦不可不防其漸應請

飭下安徽巡撫會同河南巡撫設法撫綏仍選素知自愛之員實力稽查安插妥善不致顛沛流離釀成他故則與其治之於已然何若遏之於未然其勢易治臣故曰當防其所因也夫河水為東南民命之源河治

一日則民安一日而四海樂安瀾之慶盜賊亦由茲  
斂跡臣愚昧之忱為河務起見是否有當伏乞

呈上聖鑒謹

奏

盤獲臺灣逆首疏 甲辰八月二十六日

奏為盤獲奉

旨嚴拿之要犯恭摺奏

聞事竊臣于本月二十五日據晉江館看館人報稱有不  
識姓名鄉人來館棲宿臣隨即前往查看見其形迹  
張皇語言支吾恐是匪類再三盤詰堅不吐實適有  
臣同鄉衛千總陳鶴鳴及侍衛周朝邦到館仿佛認  
識是臺灣武生郭光侯臣因憶及本年四月間恭閱  
邸抄奉

上諭臺灣匪徒聚衆謀逆未獲股首葉周劉取余潮郭光  
侯即郭崇高等著該鎮道上緊嚴拿等因欽此現在葉  
周余潮均已就擒而郭光侯仍未弋獲正在奉

旨嚴拿之際何以竄逃至京不勝駭異臣恐其脫逃因即  
囑令陳鶴鳴周朝邦幫同看守據該犯口稱實係臺  
灣武生郭光侯即郭崇高取具親筆供詞一紙臣以  
事關戕官拒捕奉

旨嚴拿之犯一面將該犯交北城坊吏目羅維看管謹繕  
摺奏

聞請

飭交刑部嚴訊辦理謹將該犯原詞一併封呈  
御覽伏乞

皇上聖鑒謹

奏

再臣正在繕摺間復從郭光侯身上搜出呈稿一紙  
據稱擬在臺灣鎮衙門呈遞後因事破未及遞訴謹  
將稿詞原紙封呈

御覽理合附片謹

奏

道光二十四年八月二十六日上嗣奉

旨前因御史陳慶鏞奏盤獲臺灣武生郭光侯即郭崇高  
係聚衆謀逆案內飭令嚴拿之犯當交刑部嚴行審訊  
茲據該部奏稱訊據該犯供與洪協及鄭炎等均不認  
識亦無夥同謀逆情事自係恃無實證意圖狡賴惟該  
犯又供臺灣縣知縣閔所于收糧時欲行幫貼番銀並  
有包攬官事之許東燦即許朝錦阻撓納糧等情均非  
實訊明確不足以成信讞前任臺灣縣知縣閔所著即  
解任交劉韻珂派員並包攬捐納同知許東燦即許朝  
錦伊弟許東寮並黃應清蔡堂及糧總李捷陞一併迅  
速解交刑部嚴行審訊不准遲延欽此

拏獲脫逃太監疏 甲辰十二月十六日

掌浙江道監察御史 臣陳慶鏞跪  
奏為拏獲脫逃太監請

旨飭交刑部審訊事竊 臣萬超 臣陳慶鏞于十月恭奉  
恩命稽查普濟堂功德林粥廠 臣等遵即于是月十五日  
前往開廠每月分班輪流兩處監放本月十四日 臣  
萬超在普濟堂監放 臣慶鏞在功德林監放乃于功  
德林散晚粥時內有一人向 臣慶鏞求賞衣服 臣察  
其行踪謊異細加詰問據供稱李二即李進忠年二  
十一歲幼時淨身在



宮內充當太監差使無誤本年四月間告假出城至回  
來天時已晚

宮門關閉不得進入越早恐被管事太監責打是以不敢復回遂逃出朝陽門外伊認識地方餅鋪居住及冬天氣寒冷始到寺內賞粥臣思該太監逃走經已半年有餘恐在外間別有不法情事當卽就近交北城副指揮李廣元察驗屬實暫行看守相應請

旨飭交內務府慎刑司將太監李進忠因何脫逃之處有無為非別情審明辦理再普濟堂功德林二處每日放粥合共人口不過一千二三百名左右俱屬安頓

合併聲明伏乞

皇上聖鑒謹

奏

道光二十四年十二月十六日奉

上諭太監李進忠即李二著交刑部審訊欽此

